



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Art. 5. Vtrum principium pœnitentiæ sit ex timore.

[urn:nbn:de:hbz:466:1-72898](#)

Dices: Pœnitentia requirit opus satisfactorium, quod est pœnale, & sensibile: ergo hæc ex parte erit in appetitu sensitivo.

Respondeo Primò, Ipsam detestationem peccati, & dolorem partis superioris esse opus pœnale voluntati peccatrici, nec pœnitentia per se aliud requirit. Respondeo Secundò, Non est necesse, ut omne opus satisfactorium sit elicitor à Pœnitentia; satis est ab ea imperata: Pœnitentia enim, cùm sit in voluntate, potest imperare appetitu sensitivo, & membris corporis, licet non æquæ promptè ille obediat. Et sic ieunia, lachrymæ, tristitia sensibilis, & similia, sunt opera pœnitentiae, non quidem elicta, sed imperata. Hinc patet: Etsi lachrymæ, & dolor sensibilis sint optima signa Pœnitentiae, tamen veram Pœnitentiam etiam sine his esse posse.

19 Dico Secundò: Pœnitentia, vt est virtus, est in sola voluntate, tanquam in proprio subiecto. Probatur: Quia detestatio peccati propter Deum, & propositum compensandi, & vindicandi illud, in sola voluntate sunt. Confirmatur: Quia hæc virtus non est in intellectu, vi per se patet: etsi enim præsupponat fidem, tamen fides non est pœnitentia; neque pars eius, vt volunt hereticæ: neque etiam est in appetitu sensitivo ergo in voluntate.

Dices: Cum in voluntate sit quodammodo pars irascibilis, & concupiscibilis, in vtrâ est?

Quid facit
dum homi-
ni, vt per-
fecte pœni-
teat.
Respondeo, In vtrâque: Quatenus enim Pœnitentia actus est dolere de peccato, est in voluntate vt concupiscente: quatenus autem vult vindicare, est in voluntate, quatenus est irascibilis; nam ira nihil est aliud, quam appetitus vindictæ. Quare vt homo integrè pœnitent, non solum debet dolere de peccato, sed etiam irasci, & expetere vindictam.

D V B I V M. I.

Vtrum in parte sensitiva non sit etiam alius habitus Pœnitentiae?

20 Affirma-
tur.
Respondeo, Etsi. Ita Dominicus Soto d. 1. 4. quæst. 2. art. 6. Ratio est: Quia ex fortissimo dolore voluntatis, commouetur pars sensitiva suo modo ad dolendum: & ex frequentatione doloris huius nascitur quædam proclivitas in eadem parte; quæ proclivitas haud dubie est habitus quidam. Pari modo ex appetitione vindictæ frequentata in voluntate, nascitur in appetitu inferiori commotio iræ crebra & iterata; vnde remanet proclivitas & promptitudo ad similes iras. Hoc enim experimur in omnibus passionibus, quod quæ magis illis indulgemus, hoc efficiunt ad illas præiores. Vnde necesse est naturalem pronitatem per accessoriam iuuari; idque multò magis in passionibus rectæ rationi consentaneis, ad quas appetitus sensitivus naturaliter non propendet, nisi quatenus à superiori, id est, ratione mouetur; ac proinde magis est capax accessoriæ inclinationis, quæ prouenit ex crebro motu rationis, quam alterius.

21 Dices: Pars sensitiva non attingit Deum: ergo non potest dolere de peccato propter Deum, seu quia est iniuria Dei.

Quomodo
oratur
sensibilis
dolor de
iniuria Dei.
Respondeo: Non attingit Deum sub ratione rei spiritualis, sed benè sub ratione rei corporeæ, quæ rei spirituali sit analoga, sicut experimur dum deo cogitamus. Quidquid enim cogitat intel-

lectus, etiam in se efformat, vel potius præformat phantasia, sed suo modo. Dum ergo pars superior intènse dolet de peccato, quatenus est iniuria Dei, etiam pars inferior naturaliter mouetur ad dolendum ob eandem iniuriam; sed corporali modo à phantasia apprehensam: quod prouenit ex naturali sympathia potentiarum; quæ quia in vitali èdem essentiâ fundatæ sunt, actus vñus in alteram redditum.

Aduerte tamen, Hunc habitum appetitus inferioris non esse infusum, sed acquisitum; vt patet ex dictis. Neque esse virtutem, sed virtutis ministrum, sicut & membra, quamvis sublimiore modo. Ratio est: Quia non mouetur immediate à iudicio rectæ rationis, quæ est proxima virtutis regula; sed à iudicio phantasia. Valde tamen imitatur virtutem Pœnitentiae, sicut appetitus inferior imitatur superiorem, & phantasia rationem.

D V B I V M. II.

An Pœnitentia sit solum in Peccatoribus?

22 R Espondeo: Virtus Pœnitentiae secundum illum actum, qui est pœnitentia, non est nisi in peccatoribus, sive illi sint in hoc mundo, sive in purgatorio: non tamen in damnatis. Ratio est: quia pœnitere est de suis peccatis dolere propter Deum, & ea vindicare in ordine ad reconciliacionem. Quare hoc modo non erat pœnitentia in statu B. Virgine, innocentia, nec in Christo, nec in B. Virgine, nec in Angelis aut Beatis.

Alio tamen quodammodo, videlicet secundum alias actus, erat in illis virtus Pœnitentiae. Primò: quia detestabantur peccata aliorū, quatenus sunt offendit Dei, & cupiunt, vt illa in se ipsius vindicent. Imò Dominus noster, aliorum peccatis in se acceptis, doluit de illis, vt de suis, eaque in se vindicauit, & Iustitia diuinæ satisfecit; quod sine virtute pœnitentiae non est perfectum. Ratio vltior est: quia ejusdem virtutis est affici suo obiecto ybicunque inueniatur, sive in se, sive in alio, & dolere de contrario. Temperantia enim afficit, & delectatur actionibus temperatis; & Iustitia iustis, in quo cumque eas viderit, & determinatur contrarios. Quare etiam Pœnitentia determinatur iniuriam Dei, cupitque eius vindicatam, & satisfactionem, à quo cumque sit commissa.

Secundò, Erat in illis virtus Pœnitentiae: Quia qui sunt bene dispositi, & prompti ad dolendum de peccatis alienis, etiam bene dispositi sunt ad dolorem suorum, si quæ haberent: maximè, cùm Angeli & Beati spectatâ nudâ naturâ Angelicâ & humanâ peccare possint. Quod fit, vt etiam habere possint actum quædam conditionalem Pœnitentiae, qui sic exprimitur: Si peccarem, dolerem: qui actus est affectio quædam, & complacientia ad honestatem obiecti Pœnitentiae.

ARTICVLVS V.

Vtrum principium Pœnitentia sit ex timore?

23 R Espondeo, & Dico Primò, Primum Pœnitentiae principium, disponens liberum arbitrium ad illam, est excitatio diuina gratis mens et gratia immissa. Est fide tenenda. Probatur Primò ex Scripturis: Ieremias 31. v. 18. Converte me Domine, 6

ne, & conuertar; & infra v. 19. Postquam conuertisti me, egi pœnitentiam. In quem locum Hieronymus, Hoc ipsum, quod pœnitentiam agimus, nisi Dominus nos ante conuerterit, & nisi Dei mitanur auxilio, nequam impietatem valimus. Ioan. 6. v. 44. Nemo potest re-

nire ad me, nisi Pater meus traxerit illum.

Concilia,

Probatur Secundo: Ex Cœilijs. Nam in Concilio Palestino definitum est contra Pelagium, Pœnitentiam donum Dei esse; vt testatur Augustinus epistola 106. & in Araulicano Can. 4. dicitur Per Spiritus sancti infusionem & operationem in nobis fieri, non tantum ut a peccatis purgetur, sed etiam ut purgari velimus. Concilium Tridentinum Sess. 6. cap. 6. & 14. docet Principium Pœnitentie, & iustificationis esse diuinam excitationem. Item can. 5. & can. 3. dicit Principium Pœnitentia esse gratiam præuenientem, seu præuenientem Spiritus sancti inspirationem. Vide plura 1. 2. quest. 109. art. 6.

Dico Secundo: Timor seruile est principium pœnitentie, tanquam primus motus voluntatis ad pœnitentiam ordinatus. Suppono autem timorem seruilem, & odium peccati ob hunc timorem immediatè conceptum, esse bonum, contra hereticos nostri temporis: de quo infra. Probatur: Prima ratio quæ ordinarie homini offertur, cur velit serio, & absolutè relinquere peccatum, est timor pœnæ, videlicet gehenna; iuxta illud Isaie 26. vers. 18. apud Septuaginta, A timore tuo conceperimus, & quasi parturimus, & peperimus spiritum filium, id est, veram pœnitentiam.

Notandum autem ex D. Thoma hoc loco, & ex Concilio Trident. sess. 6. can. 6. quod primus motus, quo disponimur ad pœnitentiam, est excitatio diuina, vt dictum est. Secundus motus est motus Fidei, quæ inter cetera credit peccator Deum pœnas eternas peccatis constituisse. Hinc oritur tertius motus, qui est timor seruile, quo homo timerit damnari propter peccata sua; & idcirco incipit illa odisse, & proponit relinquere. Timor itaque seruile, quo instar seruorum timemus pœnam, & detestamur peccatum propter pœnam, est primus motus affectus seu voluntatis ad pœnitentiam ordinatus. Nā sola excitatio diuina præcedit, quæ nō est motus liber, sed impulsus quidam necessarius à Deo immisitus; & fides, quæ est motus intellectus. Quartus motus est Spes venie: peccator enim considerans Dei misericordiam, qui gratia impium iustificat per Christum, concipit spem venie, per quam à timore illo terribili respirat. Quinto, incipit Deum diligere ob immensam illum bonitatem, & misericordiam, per quam peccata condonant, & iustitiam infundit. Sexto, odit peccatum, quatenus est offendit Dei, tanquam benignissimi Patris, & proponit illum cōpenfare.

Dico Tertio: Pœnitentia procedit à charitate, seu timore filiali, tanquam proximo principio imperante. Patet ex serie actuum iam descripta: & ratio est: quia non est perfecta pœnitentia, per se idonea ad reconciliationem, nisi de peccatis doleamus, caue vindicemus, quatenus Deum offendunt; ac proinde, nisi doleamus ex affectu benevolentiae, seu charitatis in Deum: vt patet exemplis humanis: qui enim offendit Principem, si non doleat quod ipsum offendit, sed tantum, quod sibi nocuit, non meretur reconciliationem; quæ nihil est aliud, quam benevolentia recuperatio. Quod autem D. Thomas ait, Pœnitentiam debere procedere à timore filiali, sic accipendum est, vt charitas,

quæchus odit & timet peccatum, vt offensam benignissimi Patris, vocetur Timor filialis: per illam enim bene disponimur, & inclinamur ad timendum Dei offensam, tanquam optimi Patris, quem sumus amare, & cuius offensionem filii diligenterissime cauere debent.

Petes: An omnes isti actus sint necessarij ad veram pœnitentiam?

Respondeo: Excitatio diuina est omnino necessaria. Similiter actus fidei, seu prudentia supernaturalis, quæ fide nititur. Deinde actus spei, nam sine spe venie non possumus pœnitere. Præterea actus dilectionis. Timor autem seruile non tamen semper est necessarius; quia fieri interdum potest, vt quis sine metu villo damnationis, ex consideratione, & amore diuini bonitatis convertatur; vt videtur contigisse in Paulo, & Magdalena. Neque etiam expresa voluntas compensandi, aut vindicandi peccatum est necessaria, vt supra dictum est: sufficit enim dolor de peccato ex amore Dei cum proposito emendacionis.

28

Qui motus
sunt necesse
sunt ad ve
ram pœni

ARTICVLVS VI.

Vtrum Pœnitentia sit prima
virtutum?

Respondeo & Dico Primo: Habitus Pœnitentia non est prior habitibus aliarum virtutum. Probatur: quia non prior tempore, cum omnes virtutum habitus simul infundantur, iuxta communem sententiam: nec etiam prior natura: quia pœnitentia supponit fidem, tanquam proprietatis regulam, vel saltum prudentiam infusam supponit, quæ fide tanquam fundamento, & principio nititur. Deinde, etiam Spem supponit, quia nemo inclinatur ad pœnitentiam, nisi Spes venie. Tertiò, Charitatem supponit; nam Charitas respicit Deum sub priori ratione, quam Pœnitentia: respicit enim Deum absolute, vt ipse in se summum bonum est: Pœnitentia autem solidum supposito peccato respicit Deum, quatenus Deo debetur à creatura compensatio propter iniuriam; quorum posterius oritur ex priore; idcirco enim Deo fit iniuria per peccatum, quia ipse est summum bonum, quod peccato contemnitur.

29

Dices: Potest quis dolere de hoc solo, quod Deum iniuriā assecerit, non curando ipsius amicitudinē aut honorem: sed solidum, quod omnis iniuria, & præsertim erga Principem, sit detestanda.

Respondeo: Fortasse id fieri posse: sicut fieri potest, vt quis doleat, quod Princeps fecerit iniuriam, eti illum non amet. Verum hic dolor non erit perfecta pœnitentia, nec sufficiet per se ad reconciliationem, vt patet ex supra dictis: nam perfecta pœnitentia manare debet ex benevolentia eius, quem offendens.

Dico Secundo: Actus Pœnitentie perfectus non est primus actus virtutum. Patet ex serie auctuum ad pœnitentiam necessariorum.

30

Dico Tertiò: Actus tamen Pœnitentia plerique prior est ab aliis virtutib[us] moralium, vt Temperantia, Fortitudinis, Iustitia particularis, & similium. Probatur: quia recta ratio dicit, vt peccator prius Deo per Pœnitentiam reconciliari studeat, quam alij virtutum operibus incumbat. Nam sine hac reconciliatione virtutum opera, quantumvis magna, nihil proficit.

Qqq iiiij QVÆ

Timor
seruile
quonodo
fir pœ
nitentia.

26
Ordo mo
tuum, &
actuum
Pœnitentia.

27
Quomodo
pœnitentia
procedat
à charitate,
vt proximo
principio.